

BESTELAKO XEDAPENAK

INGURUMEN, LURRALDE PLANGINTZA, NEKAZARITZA ETA ARRANTZA SAILA

2362

AGINDUA, 2012 maiatzaren 23koa, Ingurumen, Lurralde Plangintza, Nekazaritza eta Arrantzako sailburuarena, zeinen bidez iragartzen baitira, 2012. urterako, EAEko eremuan lur-zaintzailetzailatza akordioetan diren ondare naturala aktiboki kontserbatzeko ekintzetarako diru-laguntzak.

Autonomia Estatuaren 10.31 artikulua Euskal Erkidego Autonomoari lurralde eta itsasertze antolatze eskumen eksklusiboa eman zion, eta lege testu bereko 11.1.a) artikulua ingurumen eta ekologia arloan Estatuko oinarritzko legediaren exekuzioaren garapena eman zion.

Euskal Autonomia Erkidegoaren Administrazio sailak sortu, ezabatu eta aldatzen dituen eta horien egitekoak eta jardun-arloak finkatzen dituen lehendakariaren maiatzaren 8ko 4/2009 Dekretuaren 14.1.e) artikulua arabera, eskumen hori Ingurumen, Lurralde Plangintza, Nekazaritza eta Arrantza sailaren bidez egikaritzen da.

Gobernu Kontseiluak, 2011ko uztailaren 12an, «Euskal Autonomia Erkidegoko 2011-2014rako Ingurumeneko III. Esparru Programa» onartu zuen, besteak beste, gure aniztasun biologikoari eusteko helburuarekin; programa horren helmuga, besteak beste, aniztasun biologikoa ez galaraztea da, eta arriskuan dauden paisaiak berreskuratzea.

Ekoeuskadi 2020 Estrategiak bere ardatzen artean garapen jasagarria, klima aldaketaren aurkako neurriak, lan berdea sustatzea eta gizarte partaidetza aurreikusten ditu.

Euskal Herriko Ingurumen babes orokorrerako 3/1998 legeak horrelakorik aurreikusten ez badu ere, bertan badio eremu egonkor bat eratzen duela, eta indarrean duen espazio eta denbora eremu barne diren bai eragile pribatuak zein gobernu ezberdinetako politikak kabitzen direla, eta legeak ezartzen dituen helburuak lortzeko parte hartu egin ahal eta behar dutela.

Ingurumenari buruzko Estatu lege berriak onartu egin dira, oraindik (EAEko Autonomia Estatutuaren 11.1.a artikulua) ingurumen eta ekologia mailan Estatuko oinarritzko legeak garatzeko eskumena erabiliz garatzeko direnak, eta lege horiek tresna berri hauek erabiltzeko bidea zabaltzen dute.

Esateko, 42/2007 estatuko Legeak, ondare natural eta biodibertsitatekoak, tresnen artean zaintzailatza akordioak aurreikusten ditu. Herri Administrazioak zaintzailatza-akordioak sustatuko dituzte zaintzailatza-erakunde eta jabego publiko zein pribatuko lurren jabeen artean, ondare naturala eta biodibertsitatea kontserbatzeko asmoz.

Ondare naturala kontserbatzeko bide eta tresna berriak sortzen ari dira. Haien artean, lurralde zaintzaren mekanismoa, esateko, biodibertsitatea kontserbatzeko. Tresna honek duen beste helburu nabarmena bada beste eragileen parte hartzea sustatzea biodibertsitatearen kontserbaziorako (hau da, jabeak, gizarte zibila antolatua, hiritarrak edota enpresa pribatuak).

Lur zaintzailatza borondatezko akordioaren forma hartzen du, lurraldearen jabeak edo erabiltzaileak edota baliabide naturalen aprobetxamendu edo erabilera eskubideen jabeak eta zaintzailatza erakundearen artekoa. Indarrean izango den epea ezartzen da, ondare naturala aktiboki

kontserbatzeko egingo diren ekintzak, jarraipen eta aholku tresnak, eta baita laguntza tekniko eta finantzieroa ere.

Zaintzailetzarako lursailak izan daitezke bai jabego pribatukoak zein udalen herri-lurrak, enpresen jabetzakoak edota izan daitezke ere lurzoruak non jabetza izan gabe baliabide naturalen aprobetxamendu eskubideak dira. Zaintzailetza erakundeak honako hauek dira: kontserbazio erakundeak, auzokideen elkarteak, eragile sozialak, fundazioak, edo baita toki erakundeak ere, udalak, administrazio batzordeak, mankomunitateak, partzuergoak zein etab., beti ere irabazteko asmo gabekoak, eta haien helburuen artean biodibertsitate kontserbatzeko ekintzak burutzekoa egon behar da.

Horrela, Agindu honen bidez, diru-laguntza eman nahi zaie biodibertsitate kontserbatzearen aldeko helburua duten jarduketei, eta, horretarako, lur-zaintzailetza akordioetan barne diren helburu horretarako aktiboki kontserbatzeko ekintzak burutzeko diru-laguntzak ematen dira.

Ingurumen, Lurralde Plangintza, Nekazaritza eta Arrantza Saileko egitura organiko eta funtzionala ezartzen duen abenduaren 22ko 629/2009 Dekretuak ematen didan eskumena dela bide, honako hau

EBAZTEN DUT:

1. artikulua.– Helburua.

1.– Agindu honen helburua, 2012ko ekitaldian Euskal Erkidego Autonomoaren eremuko lur-zaintzailetza akordioetan diren ondare naturala aktiboki kontserbatzeko ekintzak burutzeko diru-laguntzak emateko oinarriak ezartzea da.

2.– Deialdi honen ondorioetarako, lurralde zaintzailetza akordioa hauxe da: lurraldearen jabeak eta erabiltzaileak biodibertsitate eta haren elementuen kontserbazio eta erabilpena erakartzeko teknika edo estrategia juridikoen multzoa, Hau den hau borondatezko akordioaren bidez egiten da, lurraldearen jabeak edo erabiltzaileak edota baliabide naturalen aprobetxamendu edo erabilera eskubideen jabeak eta zaintzailetza erakundeen artekoa.

Lur-zaintzailetza akordioek diru-laguntza eskaera aurkezteko epea amaitu baino lehen eginda izan beharko dute, eta honako hau izango dute: kideen edota parte hatzen duten erakundeen identifikazioa, iraupen epea, eta agindu honen I. eranskinean ezartzen denarekin bat datozen egin beharreko ekintzak.

3.– Gutxienez, zaintzailetza akordioetan bi ekintza izan behar dira: bata I.A.1. eranskinekoa, eta bestea I.A.2 eranskinekoa. Halere, jarraipen eta aholkularitza mekanismoak, eta baita aurreikusitako zabaltze ekintzak eta laguntza tekniko eta finantzieroa ere izan behar ditu.

2. artikulua.– Laguntzen izaera, intentsitatea eta bateragarritasuna.

1.– Agindu hau dela bide ematen diren laguntzak diru-laguntza itzulezinak izango dira.

2.– Diru-laguntzaren zenbatekoa ez da helduko diru-laguntza jaso dezakeen gastuaren % 100era.

3.– Agindu honetan jasotako diru-laguntzen emakida bateragarri izango da helburu bera izan eta beste edozein erakunde publikok edo pribatuk eman ditzakeen diru-laguntza guztiekin, baldin eta horrek gehiegizko finantziatorik ez badakar. Hori gertatuz gero, diru-laguntzaren zenbatekoa kasuan kasuko gehieneko mugaraino murriztuko da.

Egoera hori V. eranskinaren arabera jakinaraziko da.

3. artikulua.– Baliabide ekonomikoak.

1.– Agindu honen helburua betetzeko baliabide ekonomikoak Euskal Autonomia Erkidegoko Aurrekontu Orokorretan horretarako ezarrita dauden aurrekontu-kredituetatik aterako dira.

2.– Helburu hori lortzeko, gehienez 350.000 euroko zenbatekoa dago.

3.– Emango diren laguntzen bolumen osoa ez da zuzkidura horretatik edo berori handitzetik gorakoa izango, baldin eta (azken kasu horretan) Ingurumen, Lurralde Plangintza, Nekazaritza eta Arrantza Sailaren beste laguntza-programa batzuk betearaztearen edo indarreko legeriaren arabera onesteko moduko aurrekontu-aldaketen eraginezko agortu gabeko aurrekontu-erabilgarritasunik badago, beti ere, diru-laguntzak ebatzi baino lehen.

4.– Handitze hori, egonez gero, agindu honetan ezarritako diru-laguntzak emateko prozedura ebatzi baino lehenagokoa izan beharko da, eta horri publizitatea emango zaio, Ingurumeneko sailburuordearen ebazpenaren bitartez.

4. artikulua.– Onuradunak.

Agindu honetan jasotako diru-laguntzen onuradunak izan daitezke pertsona juridikoak beti ere irabazi-asmorik gabeak, pribatuak zein publikoak, baldin eta, zaintzailletza erakunde bezala aritzen direnean, EAE-ren eremu barruan agindu honetan zehazten diren ekintzak eta jarduketak egiten badituzte.

5. artikulua.– Finantzatu ahal diren jarduerak nahiz jarduketak eta diru-laguntza jaso dezaketen gastuak.

1.– Agindu honetan jasotako diru-laguntzen onuradunak izan daitezke I. eranskinean zehazten diren ekintzak eta jarduketak, Agindu honen 1. artikuluan ezartzen dena betez (Horiek eskatzaileek egindako dagozkien lur-zaintzailletza akordioetan izango dira. Ekintza horiek EAE-ko lurralde eremuan burutu behar dira.

2.– Lur-zaintzailletza akordioaren barne, agindu honen pean, diru-laguntza jaso dezaketen jarduketak 2012an egin direnak baino ez dira izango; betiere 2012ko abenduaren 31 baino lehen garatuta eta bukatuta gelditu behar baitira.

3.– Agindu honetan jasotako araubidearen babesean diru-laguntza jaso dezaketen gastuak honako hauek izango dira: eskatzaileak aurkezturiko jarduketaren aurrekontu xehatua jaso eta hori betearazteari argi lotuta daudenak.

4.– Eskatzaileak VI. eranskinaren ereduaren arabera aurkezturiko aurrekontuaren barruko gastuek diru-laguntza jaso ezin badute (artikulu honetan ezarritakoaren arabera), Balorazio Batzordeak horiek ezabatu edo arazi egingo ditu, diru-laguntzaren zenbatekoa zehazteko oinarritzat balioko duen aurrekontua (diru-laguntza jaso dezaketen gastuen aurrekontua) zehazteko.

6. artikulua.– Baldintzak.

Agindu honetan ezarritako diru-laguntzen onuraduna izateko, eskatzaileak honako baldintza hauek betetzen dituela egiaztatu beharko du:

a) Pertsona juridikoa, publiko zein pribatua izatea, beti ere irabazteko asmogabekoa.

b) Pertsona juridiko pribatuen kasuan, erakundeak bere helburuen artean ondare naturalaren kontserbazioarena izan beharko du, eta haren estatutuetan bere ekintzen artean berez lur zaintzailletza agertu beharko da.

c) EAEan diru-laguntza jasotzeko moduko jarduera edo jarduketa garatzea.

d) Diru-laguntza edo laguntza publikoak jasotzeko aukera galduta ez edukitzea, zigorren edo administrazio zehapenen baten ondorioz, eta horretarako gaitasuna kentzen duen legezko debekuren bat ez edukitzea.

e) Zerga-betebehar guztiak eta Gizarte-segurantzarako betebehar guztiak beteta edukitzea.

7. artikulua.– Eskabideak aurkezteko epea.

1.– Eskabideak Agindua argitaratu eta hurrengo egunetik kontatzen hasita hilabeteko epean aurkeztu behar dira, Zuzenean zerbitzuko hiritarrekiko harrera puntuetan (informazioa 012 telefonoan edota www.euskadi.net-en), Ingurumen eta Lurralde Plangintza, Nekazaritza eta Arrantza Saileko Biodibertsitate eta Ingurumen Partaidetzaren Zuzendaritzan (Donostia 1 kalea, 01010 Vitoria-Gasteiz), sail horren Lurralde Ordezkaritzetan edo Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 38.4 artikuluan ezarritako leku guztietan. Eskabideekin batera, hurrengo artikuluan aipaturiko dokumentazioa ere aurkeztu beharko da.

2.– Norberaren Datuak Babesteari buruzko 15/1999 Lege Organikoan ezarritakoaren arabera, eskatzaileei jakitera ematen zaie aurkezten dituzten datuak biltzeko erabiliko den fitxategiaren helburua diru-laguntzetarako deialdi hau eta arloari loturiko gainerako administrazio espediente guztiak kudeatzea izango dela. Fitxategiaren arduraduna Biodibertsitate eta Ingurumen Partaidetzaren Zuzendaritza da, eta bertan gauzatuko dira lortze, zuzentze, amaitze eta aurkatze eskubideak; horretarako, Ingurumen eta Lurralde Plangintza, Nekazaritza eta Arrantza Saileko Zerbitzu Zuzendaritzara jo beharko da (Donostia 1 kalea, 01010 Vitoria-Gasteiz).

8. artikulua.– Dokumentazioa.

1.– Eskabideak Agindu honetako II. eranskinean (pertsona juridiko publikoak) eta III. eranskinean (pertsona juridiko pribatuak) agertzen diren eredu normalizatuan egingo dira, eta honako dokumentazio hau aurkeztu beharko da:

I.– Pertsona juridiko publikoaren kasuan:

a) Organo eskudunak egindako eskaera.

b) Lur-zaintzailletza akordioaren eta diru-laguntza izateko eskatzen diren ekintza eta jarduerak egiteko onarpen akordioa, eta baita pertsona juridiko publikoak jartzen duen dirua ere.

c) Pertsona juridiko publikoko idazkariak luzatutako ziurtagiria, V. eranskinaren arabera. Bertan, hala balegokio, eskatutako edota emandako beste diru-laguntzen zerrenda eta helburu berarako beste pertsonak edo erakundeak eman dituzten diru-laguntzen kopurua esan beharko da, haien diru-kopurua adieraziz.

d) Azalpen-memoria. Bertan, ondo zehaztuta honako hau jaso beharko da: zaintzailletza akordioaren edukia (honen kopia erantsiko da), akordioaren iraupena, helburuak, jarduketak egingo diren tokiaren mugaketa eta planoak, epeak, ekintzen garapen eta hedapena, VI. eranskinaren arabera jardueraren aurrekontu osoa (partidaka xehatuta) eta jarduketa betearazteko egutegia.

e) Bidezkoa denean, udalaren hirigintza-lizentzia, eta, behar denean, administrazio sektorial eskudunaren manuzko baimen eta lizentziak.

f) Eskatutako diru-laguntzaren kopurua.

g) Dagokion ogasunaren ziurtagiri eguneratua, hala badagokio, zerga-betebeharrak bete dituela adieraziz, eta dagokion lurralde-diruzaintzaren ziurtapen eguneratua, Gizarte-Segurantzarekiko betebeharrak betetzen direla egiaztatzen duena.

II.– Pertsona juridiko pribatuen kasuan.

a) Eskatzailearen NAN eta dagokion ordezkapen ahalordearen kopia.

- Identifikazio fiskalaren kopia.

- Erakundearen estatutuen kopia eta baita haien aldaketarena ere.

- Irabazi-asmorik gabeko erakundea dela: euren xedearen definizioa edota beraien xedea egiaztatzen duen beste edozein agiriaren kopia.

b) Azalpen-memoria. Bertan, ondo zehaztuta honako hau jaso beharko da: zaintzailletza akordioaren edukia (honen kopia erantsiko da), akordioaren iraupena, helburuak, jarduketak egingo diren tokiaren mugaketa eta planoak, epeak, ekintzen hedapen eta garapena, VI. eranskinaren arabera jardueraren aurrekontu osoa (partidaka xehatuta) eta jarduketa betearazteko egutegia.

c) Bidezkoa denean, udalaren hirigintza-lizentzia, eta, behar denean, administrazio sektorial eskudunaren manuzko baimen eta lizentziak.

d) Beste pertsona edo erakunde batzuek helburu horrexetarako eskatutako edota emandako beste diru-laguntza batzuen zenbatekoaren adierazpena, V. eranskinaren arabera.

e) Dagokion ogasunaren ziurtagiri eguneratua, zerga-betebeharrak bete dituela adieraziz, eta dagokion lurralde-diruzaintzaren ziurtapen eguneratua, Gizarte-Segurantzarekiko betebeharrak betetzen direla egiaztatzen duena.

Agiriak paperez (jatorrizko dokumentazioa edo kopia egiaztatua) eta Eusko Jaurlaritzaren sistema informatikoekin bateragarria den euskarri informatikoan aurkeztu beharko da.

9. artikulua.– Aurkezturiko eskabidean izandako akatsen zuzenketa.

Eskabidea jaso ondoren, aurreko artikuluetan ezarritako baldintzak ez dituela betetzen ikusiz gero, edo baldin eta diru-laguntza behar duen jarduketa hobeto ezagutzeko dokumentazio osagarria behar dela erabakitzen bada, Biodibertsitate eta Ingurumen Partaidetzaren Zuzendaritzak, eskatzaileari eskabidea egingo dio, hamar eguneko epean akatsa zuzentzeko edo manuzko agiriak aurkezteko; hori egin ezean, eskabidea ez da onartuko, aintzat hartuta Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 42. artikuluan ezarritakoaren arabera emango den ebazpena.

10. artikulua.– Diru-laguntzak kudeatzeko ardura duen organoa.

Deialdi honetan ezarritako laguntzak kudeatzeko lanak Ingurumen eta Lurralde Plangintza, Nekazaritza eta Arrantza Saileko Biodibertsitate eta Ingurumen Partaidetzaren Zuzendaritzak egingo ditu.

11. artikulua.— Balorazio Batzordea.

1.— Aurkezturiko eskabideak aztertzeko, ebaluatzeko eta aukeratzeko, Balorazio Batzordea osatuko da eta horrek honako kide hauek izango ditu:

a) Biodibertsitate eta Ingurumen Partaidetzaren Zuzendaria.

b) Biodibertsitate eta Ingurumen Partaidetza zuzendaritzara atxikitako teknikari bi, eta horietariko batek idazkaritzat jardungo du.

Proposamenak ebaluatzeko ondare naturalaren kontserbazioan beste teknikari edota adituen iritzia jaso ahal izango da.

2.— Eskabideak ebaluatu ondoren, Batzordeak Ingurumeneko sailburuordeari bidaliko dio ebazpen-proposamena; horrek, hurrengo artikuluan adierazitako esleipen-irizpideetara eta aurrekontu-mugetara egokituta, diru-laguntza jaso ditzaketen proiektuak eta diru-laguntza horren zenbatekoa adieraziko ditu; gainera, onuraduntzat proposaturikoak ere zehaztuko ditu, baita. Era berean, ukatu beharko liratekeen proiektuak eta horren zergatia ere adieraziko ditu.

12. artikulua.— Diru-laguntzak emateko eta kuantifikatzeko prozedura.

1.— Agindu honetan jasotako laguntzak lehiaketa prozeduraren bidez emango dira, Euskadiko ogasun Nagusien Antolamenduko Printzipioei buruzko Legeko Testu Bateginaren 51.4 artikuluan ezarritakoaren arabera (azaroaren 11ko 1/1997 Legegintza Dekretuaren bidez onetsitako Legea). Kalifikazio-epaimahaiak proiektuak baloratzeko fasean emandako puntuazioa kontuan hartuta egingo da.

2.— Horri dagokionez, diru-laguntzak emateko, eskabidean jarraian adierazten diren baldintzak betetzen diren baloratuko da. Gehienez ere ehun (100) puntu lor daitezke, irizpide hauen arabera banatuta:

a) Jarduera burutzeko eremua, gehienez 35 puntu:

- Natura 2000ko eremuetan barne kokatutako lursailak (35 puntu).
- Bestetiko Babes eremuetan kokatutako lursailak (30 puntu).
- EAEko hezeguneetako LPSko I eta II taldetan diren lursailak gehienez 25 puntu emanez.

• Aurreko ataletan ez diren lursailak, baina heien barne Batasuneko interesa duten flora eta fauna basatiko espezieak dituztenak, hegaztien eta habitat Zuzentarauaren eranskinean direnak edo flora eta fauna basati mehatxatuen euskal katalogoan direnak gehienez 20 puntu emanez.

Jarduketa-eremu beran sailkapen ezberdinak baleude, puntuazio gehienari dagokiona baloratuko da.

b) Lur-zaintzailatza akordioak duen denbora eremua 2. puntu emango dira akordioak irauten duen urte bakoitzerako, gehienez 20 puntu emanez.

c) Proposaturiko ekintzek ondare naturala kontserbatzeko duten ahalmena, gehienez 45 puntu:

• Egitasmoaren kalitate teknikoa eta ondare naturala eta paisaia kontserbatzeko, berrezartzeko eta hobetzeko kontribuzioaren arabera bideragarritasuna (gehienez 25 puntu).

- Jarraipen eta ikerketa plangintzaren kalitate teknikoa eta proiektzioa (gehienez 15 puntu).
- Komunikazio eta zabalkunde ekintzen gizarte eragin ahalmena (gehienez 5 puntu).

3.– Artikulu honen 2. paragrafoan jasotako balorazio-irizpideei jarraituz eskabideen lehentasun-ordena ezarri ondoren, laguntzak esleitu dira puntuazio-hurrenkerari jarraituz eta jaso dezaketen gastuaren gehieneko kopuruan, agindu honen 3. artikuluan ezarritako diru-kopurua agortu arte.

4.– Balorazio orokorrean berrogeita hamar (50) puntu baino gutxiago lortzen dituzten eskabideak ez dira diruz lagunduko. Agindu honetan ezarritako prozedura amaitzen duen ebazpenean, hala badagokio, aipatutako gutxieneko puntuazioa ez lortzeagatik diru-laguntzarik gabe geratu diren proiektuen zerrenda jasoko da.

5.– Erakunde bakoitzak proiektu edo programa bat baino gehiago aurkeztu ahal izango ditu, betiere horietako bakoitzak helburu desberdina badu.

6.– Ebazpenean, erakunde onuradunen zerrenda jasoko da, eta erakunde bakoitzari diruz lagunduko zaizkion proiektuak eta bakoitzari emandako zenbatekoak zehaztuko dira. Horrez gain, ordezeko erakunde eskatzaileen zerrenda jasoko da, hurrenkeran, onuradunen batek uko egiten badu ere, betiere balorazioan 50 puntu edo gehiago lortu badituzte. Erakunde horiei dagokienez, ordezkapena egiteko hurrenkeraren arabera zerrendatuko dira, proiektuak adieraziko dira eta, era berean, onuradunak uko eginez gero, ordezekoaren laguntzak izan lezakeen gehieneko zenbatekoa azalduko da; nolanahi ere, zenbateko hori ez da sekula ere izango aurrekontuetan onartutakoa baino handiagoa.

13. artikulua.– Ebazpena, errekurtsioak eta ebazteko nahiz jakinarazpena egiteko epea, jakinarazpena egiteko modua eta publizitate-prozedura.

1.– Aurkezturiko eskabideak prozedura bakarrean tramitatuko dira; hori, interesatuak planteaturiko gai guztiak erabakita, Ingurumeneko sailburuordeak ebatziko du.

2.– Ebazpenaren arabera, eman edo hala balegokio, ukatu edo kanporatu egingo dira agindu honetan ezarritako laguntzak; ematen badira, zuzkidura, diru-laguntza jaso duen proiektua (diru-laguntza jaso dezakeen jarduketaren kopurua adierazita) adieraziko dira. Ukatzen badira, ukatze horren zergatia adieraziko da.

3.– Aurreko paragrafoan aipaturiko ebazpenak ez dio administrazio-bideari amaierarik ematen; izan ere, horren aurka, interesatuek gorako errekurtsioa jar dezakete Ingurumen, Lurralde Plangintza, Nekazaritza eta Arrantza Sailean; hilabeteko epea izango dute horretarako, jakinarazpena egin eta biharamunetik zenbatzen hasita, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 114. eta 115. artikuluetan ezarritakoaren arabera.

4.– Hartzen den ebazpena, bestalde, interesatuei jakinaraziko zaie, ezagupen publikorako Euskal Herriko Agintaritzaren Aldizkarian argitaratuta izateaz gain.

5.– Prozedura ebazteko eta ebatzitakoa interesatuei jakinarazteko gehieneko epea hiru hilabetekoa izango da, agindu hau argitaratu eta biharamunetik zenbatzen hasita; epe hori igaro eta Euskal Herriko Agintaritzaren Aldizkarian ebazpenik argitaratu ez bada, interesatuek diru-laguntzetarako eskabidea ezetsi egin zaiela ulertu ahal izango dute, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 44.1 artikuluan ezarritakoaren arabera.

6.– Agindu honetan jasotako laguntzak onuradunei emateko eta ordaintzeko, honako hau ezinbestekoa izango da: Euskal Autonomia Erkidegoko Administrazio Nagusiak eta horren organo autonomoek emandako izaera bereko laguntzen edo diru-laguntzen eremuan hasitako edozein itzulketa– edo zehapen-prozedura amaituta egotea.

14. artikulua.— Onuradunaren betebeharrak.

Onuradunak honako betebehar hauek izango ditu. Denak edo baten bat bete ezik, Agindu honen 19. artikuluan den prozedura ezarriko da:

a) Emandako diru-laguntza onartzea. Horri dagokionez, prozeduraren ebazpena jakinarazi eta hurrengo hamabost eguneko epean onuradunak berariazko eta idatzizko ukapena egin ezean, diru-laguntza onartu egin duela ulertuko da.

b) Laguntzaren edo diru-laguntzaren helburua betetzea.

c) Laguntza edo diru-laguntza eragin duen proiektua gauzatzea.

d) Laguntza edo diru-laguntza ematearen ondorioz ezarritako baldintzak betetzea.

e) Baldintzak eta beharkizunak bete egiten direla justifikatzea, eta jarduera egin dela eta helburua bete dela ere justifikatzea, diru-laguntzaren emakida edo gozamina horren arabera baita. Horretarako dagokion memoria aurkeztu beharko da.

f) Altan emanda ez bazegoen, hirugarren alta eskatzea, IV. eranskinaren arabera.

g) Organo emaileakegin beharreko egiaztapen-jarduketak onartzea, baita Kontrol Ekonomikoaren Bulegoak egin beharreko finantzako eta kudeaketako gainerako egiaztapen— eta kontrol-jarduketa guztiak onartzea ere, eta Kontu Publikoen Euskadiko Auzitegiaren araudi berezian ezarritako guztiak ere bai.

h) Aurreko paragrafoan aipaturikoei laguntzea, egiaztapen— eta kontrol-jarduketaren garapenean, jarduketa horietarako eskatzen den informazio guztia emanez; horretarako, haxe erraztuko da:

- Egiaztatu beharreko dokumentazioa, informatika-euskarria duten programak eta artxiboak ere barne.

- Diru-laguntza garatzeko lekuetan sartzeko aukera, edo laguntzaren edo diru-laguntzaren kontura finantzaturiko eragiketen errealitatea eta erregulartasuna egiaztatzeak aukera.

- Fakturen, agiri baliokideen edo ordezkoren eta eragiketei buruzko beste edozein agiriren kopia, horietan laguntza edo diru-laguntza txarto lortu, gozatu edo bideratu dela ondorioztatuz gero.

- Laguntzak edo diru-laguntzak kobratzeko edo fondo-hornidurak egiteko finantza-erakundeen kontuetan dagoen informazioa.

i) Jasotako fondoen aplikazioa justifikatzen duten agiriak kontserbatu egingo dira, agiri elektronikoak ere barne, harik eta horren inguruko egiaztapeneko eta kontroleko jarduketak egin ahal izan arte.

j) Ingurumen, Lurralde Plangintza, Nekazaritza eta Arrantza Saileko Biodibertsitate eta Ingurumen Partaidetza zuzendaritzari jakitera emango zaizkio helburu horrexetarako emandako gainerako laguntza edo diru-laguntza guztien (finantzakoak eta materialak) lorpena, organo emailea eta zenbatekoa, horiek edozein administraziok edo erakunde publikok nahiz pribatuk eman arren; hamar asteguneko epea egongo da horretarako, horren berri izan eta biharamunetik zenbatzen hasita.

k) Organo horri, bestalde, diru-laguntza emateko aintzat harturiko edozein inguruabar objektiboren edo subjektiboren aldaketa jakinaraziko zaio, aurreko paragrafoan adierazitako epean.

l) Jasotako fondoak edo garaturiko jarduketarako nahiz jarduerarako emandako diru-laguntzaren kostuaren gaineko soberakina itzuli egingo dira, Euskadiko Ogasun Nagusiko Antolaketa Printzipioei buruzko Legeko Testu Bateginaren 53. artikuluan jasotako kasuetan.

m) Jarduerak sorrarazten duen dokumentu orotan, eta baita iragarki guztietan ere, berariaz adierazi behar da hura Ingurumen, Lurralde Plangintza, Nekazaritza eta Arrantza Sailak diruz lagundu duela, Eusko Jaurlaritzaren erakunde-nortasunari buruzko araudian xedatutakoaren arabera egongo da (http://www.euskadi.net/id_corporativa/indice_c.htm).

n) Ingurumen, Lurralde Plangintza, Nekazaritza eta Arrantza Sailari, dohainik eta modu ez soilean, aurkezturiko dokumentazioan jasotako informazio teknikoa eta grafikoa erabiltzeko eskubidea lagako zaio (Ingurumen, Lurralde Plangintza, Nekazaritza eta Arrantza Saileko informazio-sistemetan erabiltzeko edo sartzeko), baita horren zabalkundea edota argitalpena egiteko eskubidea ere, edozein formatutan (bibliografikoak, ikus-entzunezkoak edo informatikoak); gainera, teknika erabiltzeko baimena emango du.

o) Hedapen-euskarrietan ezin izango da hizkuntza edo irudi sexistarik erabili (Emakumeen eta Gizonen Berdintasunerako Legearen 3. artikulua), baldin eta jardueretarako publizitatea edo material didaktikoak egiten badira. Zuzenean sortzen dituzten dokumentuetan ere hizkuntzak inklusiboa izan beharko du.

p) Erakunde onuradunek bi hizkuntza ofizialak erabili beharko dituzte nahitaez diruz lagundutako jarduerak argitaratzean, iragartzean eta horiei buruzko publizitatea egitean.

15. artikulua.– Emandako diru-laguntzaren zenbatekoa aldatzea.

1.– Jarduketaren behin betiko kostu erreala, izan ere, laguntza emateko aurkezturiko aurrekontua baino txikiagoa izanez gero, emandako diru-laguntzaren zenbatekoa murriztu egingo da bidezko proportzioan, eta, orduan, diru-laguntzaren ehunekoa oinarri berriaren gainean aplikatuko da.

2.– Aldiz, hasieran aurkezturiko aurrekontuak goranzko aldaketa badu, prozedura ebazpen-proposameneko fasean egon baino lehen sartu ahal izango da bertan. Gorantz zuzendutako aurrekontu bat geroago aurkezteak (jarduketa-kostuetan izandako hazkundea kontuan hartzeko) ez du emandako laguntzaren hazkunderik eragingo, eta hurrengo artikulua ondoreetarako baino ez da aintzat hartuko.

16. artikulua.– Proiektuen aldaketa.

1.– Hasieran ezarritako eta ebazpenaren bidez onetsitako gastuei edo jarduketei dagokienez egin nahi den edozein aldaketa, eskatu ere, jarduketa egin orduko eskatu beharko da, eta Ingurumeneko sailburuordearen berariazko onarpena beharko du.

2.– Aldaketak ez du inoiz ere eraginik izango jarduketaren izaeran.

3.– Diru-laguntzaren onuradunak justifikazioan agerian jartzen badu emakidarako aintzat hartutako baldintzetan aldaketak egon direla eta aldaketa horiek ebazpena aldatuko zutela, Euskadiko Ogasun Orokorraren Antolaketa Printzipioei buruzko Legeko Testu Bateginaren 49.12 artikuluan ezarritakoaren arabera, eta onespenerako aurretiazko administrazio-baimenaren tramitea bete ez bada, organo eskudunak onartu egin dezake aurkezturiko justifikazioa, baldin eta gainontzekoen eskubideei kalterik egiten ez bazaie.

4.– Organo emaileak, egiaztapen-egintzan, aldaketak onartzeak onuradunari ez dizkio kentzen egokitu ahal zaizkion zehapenak.

17. artikulua.— Justifikazioa, likidazioa eta ordainketa.

1.— Ematen diren diru-laguntzen ordainketa-agindu biren bidez egingo da: % 40 a ematen denean, eta gainerako % 60 a diru-laguntza jaso duen jarduketa benetan egin dela, helburua egokitzen dela eta kostua lehendik adierazitakoa dela egiaztatu ondoren.

2.— Onuradunek, aurreko atalean aipaturiko eskabidearekin batera, jarduketaren kostu osoaren egiaztagiria aurkeztuko dute, kostu hori egiaztatzen duten fakturak edo beste ziurtagiri batzuk erabiliz (jatorrizkoak eta kopiak, gero jatorrizkoak itzuli egingo dira). 2013ko urtarrilaren 31 baino lehenago aurkeztu behar da aipatutako dokumentazioa.

3.— Biodibertsitate eta Ingurumen Partaidetzako Zuzendaritzak, ikuskapen horren egiaztapenetan nahiz emaitzetan eta aurkezturiko dokumentazioan oinarrituz, likidatu egingo du diru-laguntza, Biodibertsitate eta Ingurumen Partaidetzako zuzendariak bidezko ebazpena emanaz.

4.— Ordainketa tramitatzen den egunean, Ogasun eta Finantzako sailburuaren 1991ko urriaren 7ko Aginduan ezarritako kasuak betetzen direnean (Euskal Autonomia Erkidegoko Aurrekontu Orokorren konturako diru-laguntzen onuradunek zerga-betebeharrak betetzea egiaztatzeari buruzko agindua), egiaztapen hori agindu honetako 8.1.I.g eta 8.1.II.e artikuluetan ezarritakoaren arabera egingo da.

18. artikulua.— Diru-laguntzaren baldintzen aldaketak.

Diru-laguntza emateko aintzat harturiko baldintzak aldatuz gero, diru-laguntzaren helburua bete egin dela jotzen bada, eta beste edozein erakunde publikoren edo pribaturen diru-laguntzak nahiz laguntzak lortuz gero, aldatu egin daiteke diru-laguntza emateko Ebazpena, baldin eta bete egiten badira Agindu honetan diru-laguntzaren jasotzailea izateko ezarritako baldintzak. Horri dagokionez, Biodibertsitate eta Ingurumen Partaidetzaren Zuzendaritzak Likidazio Ebazpena emango du, eta, bertan, egokitu egingo dira emandako diru-laguntzaren zenbatekoak edo bestela, antolatu egingo da jasotako gehiegizko zenbatekoen itzulketa.

19. artikulua.— Urratzeak.

Laguntzen onuradunek Euskal Autonomia Erkidegoko Ogasun Nagusiaren Antolaketa Printzipioei buruzko Legeko Testu Bateginaren 53.1 artikuluan ezarritako kasuetarikoren batean sartzen badira (azaroaren 11ko 1/1997 Legegintzako Dekretuaren bidez onetsitako testu bategina), edo agindu honetan, gainerako arau aplikagarrietan nahiz emakida-ebazpenean ezarritako edozein baldintza urratzen badute, Ingurumenaren Sailburuordeak, interesatuaren audientzia izango duen bidezko prozedura gauzatu ondoren, gainerako zenbatekoak jasotzeko eskubidearen galera adieraziko du, eta gainera, jasotako zenbatekoak eta horien legezko interesak Euskadiko Altxortegi Nagusira itzuli beharra ere ezarriko du, bidezko gainerako ekintza guztien kalterik gabe, abenduaren 17ko 698/1991 Dekretuan ezarritakoaren arabera. Zenbateko horiek diru-sarrera publikotzat hartuko dira, legezko ondoreetarako, eta erantzukizun-araubidea, berriz, Euskadiko Ogasun Nagusiaren Antolaketa Printzipioei buruzko Legeko Testu Bateginaren 64. artikuluan ezarritakoa izango da.

AZKEN XEDAPENAK

Lehenengoa.— Ordezko araubidea.

Agindu honetan berariaz ezarrita ez dagoen guztian, honako hauetan jasotako xedapenak izango dira aplikagarriak: Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legea, eta Euskadiko Ogasun Nagusiaren Antolaketa

Printzipioei buruzko Legeko Testu Bategina onetsi duen azaroaren 11ko 1/1997 Legegintza Dekretuan.

Bigarrena.— Errekurtsoak.

Agindu honek amaiera ematen dio administrazio-bideari, eta, haren aurka, berraztertze-errekurtsoa jarri ahal izango da Ingurumen, Lurralde Plangintza, Nekazaritza eta Arrantza Sailean; hilabeteko epea egongo da horretarako, jakinarazpena egiten denetik hasita. Bestela, administrazioarekiko auzi-errekurtsoa aurkez daiteke, Euskal Herriko Justizi Auzitegi Goreneko Administrazioarekiko Auzien Salan, eta, horretarako, bi hilabeteko epea egongo da, Euskal Herriko Agintaritzaren Aldizkarian argitaratu eta biharamunetik hasita.

Hirugarrena.— Ondorioak.

Agindu honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Vitoria-Gasteiz, 2012ko maiatzaren 23a.

Ingurumen, Lurralde Plangintza, Nekazaritza eta Arrantzako sailburua,
MARÍA DEL PILAR UNZALU PÉREZ DE EULATE.

I. ERANSKINA

I.A.– Jarduera zehatzak.

Diru-laguntza jaso dezaketen jarduketan zerrenda. Gutxienez, bi ekintza izan behar dira: bata I.A.1 eranskinekoa, eta bestea I.A.2 eranskinekoa:

I.A.1.– Biodibertsitatea kontserbatzeko, berrezartzeko edo hobetzeko jarduerak (diru-laguntzak jaso ahal izateko gutxienez atal honen ekintza bat sartzea derrigorrezkoa da).

– Egun izapidetzen ari diren Natura 2000 Sareko Kontserbazio Gune Berezien (KGB) kontserbazio neurriak dituzten agirietan barne diren jarduerak.

– Mehatxatuta den flora edo fauna basatia kontserbatzeko jarduerak.

– Hostozabal autoktonoen espezieek eraturiko basotxoak ezartzea, suspertzea edo hobetzea. Aurretik den zuhaitza aloktonoa aldatzeko eta europar edo lurralde interesa duten habitat-en kontserbazio egoera hobetzeko, edota EAEn lehentasun interesa duten espeziek hartzeko ahalmenarako jarduketei lehentasuna emango zaie.

– Ekotonoak sortzea, bai baso-basen ertzean, bai larredien ertzean, orla zuhaitz edo zuhaixkak landatuta.

– Urbazterreko basoen azalera handitzea, babes edo kontserbazio helburuekin, oraingo basotxoak euren artean konektatu ahal izateko.

– Urbazterreko landaredia babesteko edota landareriarako landatzeak egitea (haltzadi, lizardi, sahasi edo zumardiak), gutxienez 10 metroko zabalerakoak, ur ibilguen babes bandetan, edonon direla (belardiak, labore-lurrak, basoak, bide ertzak). Horren barruan, eukalipto eta pinu landaketetako lehenengo 10 metroak (gutxienez) urbazterreko baso bihurtzea sartzen da.

– Baso-orbanei eta landazabaleko zonei loturiko putzuak eta hezeguneak instalatzea.

– Gune hezeak suspertzea edo berreskuratzea, hezeguneei loturiko eremuetan edo hezegune bihurtzeko aukera duten eremuetan, esate baterako, eremu endorreikoetan, troketan, depresioetan, etab.

– Ekosistema autoktonoen osotasunerako mehatxagarriak diren espezie exotiko inbaditzaileak ezabatzea.

– Baso bideak kentzea, bertako espezien urraketa eta landaketaren bidez.

– Leize eta kobazuloetan harlankaitz hormez mugaketa itxidurak ezartzea.

– Hesi biziak sortzea dagokionean bertako espeziek erabiliz, atlantiko edota mediterraneoko giroetakoak.

– Lehorreko laboreen artean ildarteak egitea, giro mediterraneotan.

– Ureztatze putzuak fauna basatiaren kontserbazioarekin bateragarri egitea. Itxidurak iraztezinak eta arantza harizkoak itxidura bigunez aldatzea. Espezieak putzu eta kanpora arteko bide askea izatea errazten duten elementuak ezartzea.

I.A.2.– Ikerketa eta jarraipen jarduerak (diru-laguntzak jaso ahal izateko gutxienez atal honen ekintza bat sartzea derrigorrezkoa da).

- Lurralde zaintzailtza akordioaren barruen diren biodibertsitatearen elementuen zerrenda egitea.

- Egitasmoaren helburu eta ekintzen jarraipen eta ebaluazio plangintza.

- Egitasmoaren ekintzen zuzendaritza tekniko.

- Salbuespen gisa, jarraipenerako edota zerrendetarako datuak lortzeko ekipamendua erostea, beti ere egitasmoaren ekintzak aurrera eramateko nahitaezkoak direla erakusten bada.

I.A.3.– Komunikazio jarduerak (zerrenda orientagarria).

Egitasmoaren ekintzen eta lurralde zaintzailtza akordioan diren lurren natur balioen gaineko material didaktikoa egitea.

- Seinaleztapena.

I.B.– Baldintza bereziak.

- Ezin izango da batasuneko interesa duen habitat bat beste era bateko formazio batez ordezkatu, birgaituko den habitat berriak kontserbazio balio handiagoa duela egiaztatzen den kasua salbu.

- Erabiliko diren landareek edo haziek bete egingo dituzte indarreko araudiak baso eremuen arloan ezartzen dituen baldintza guztiak, baita bidezko proiektu eta memoria teknikoek ezarritako baldintzak ere. Halaber, jarduketetarako erabilitako landareak bermaturiko jatorri genetikoarekin etortzearen aldeko balorazioa egingo da, eta jatorri hori ahalik eta hurbilena izango da jardueraren eremutik.

- Landareen adina eta gutxieneko dimentsioak, eta baita landaketaren trinkotasuna aurkezturiko proiektuan edo memoria teknikoan adierazita egongo dira. Ale gazteen landaketa trinkoak erabiltzea gomendatzen da.

- Ubideen ondoko lurretan egin beharreko suspertzeetarako laguntzak jasotzeko, beharrezkoa da gutxienez lehenengo bost metroak birlandatzea, ubidearen bi aldeetan, ibai ertzaren ondoan, inguruko landaredia naturaleko baso espezie erripikolekin, eta gainera, errespetatu egin behar da lehendik dagoen landaredia autoktonoa.

- Mediterraneo isurialdeko eta aroko ur jarioarekin eta nekazal matrizean sartuta diren errekatxo txikietako ertzetan birlandatze jarduketetan, landaketa gutxienezko dentsitatea honako hua izango da: 1.500 landare/ha 1-2 sapa. Espezieetako % 5-10ak eremuko zuhaitzak izan beharko dira, gainerakoak zuhaixkak, nagusiki arroso eta elorriak. Ur erabilgarritasunaren mantenimendua bermatu behar da.

- Espezie exotiko inbaditzaileak kentzeko jarduketetan, erabiliko den metodologiak inguruko ekosistemen eta biodibertsitatearen beste elementuengan inolako afektazioarik ez izatea bermatu beharko du.

- Putzuak eta hezeguneak instalatzeko ekintzetan gutxienezko edukiera azalerako 50 m³ eta 50 m²ak gainditu beharko du. Ertzetako malda % 5-10eko baino beheragokoa eta perimetroaren ¼a landaririk gabekoa iznago da. Gutxienez putzuetako ertzeen 2/3ak 30-40 m.tako sakona izan beharko dute ertzetik 3 m.rarte. Eremuko abelzaintza zama UGM1eko baino goragokoa denean, putzura sartzeko mugaketak ezarri beharko dira.

– Leize eta kobazuloetan harlankaitz hormez mugaketa itxidurak ezartzeko, itxidurak gutxienez leize edo kobazuloko ahotik 15 m.tara ezarriko dira. Hormek 1 eta 1.30mtako altuera eta gutxienezko 70 zm zabalera izan beharko dute. Agiriko aldea lehorrean izan beharko da. Azpiko aldean 30 zm.ko altuera eta 50 zm.ko luzera duten hutsuneak utziko dira, hormaren irazkortasuna fauna basatirako bermatzeko.

– Ureztatze putzuak fauna basaitarekin bateragarria egiteko egitasmoetan, putzuaren perimetroko erdi eta hiru laurdeneko azalera berlandatu beharko da, inguruko bertako espeziekin. Gutxienezko dentsitatea 1.500 landare/hako eta gutxienez % 5a inguruko bertako zuhaitz espeziak izan beharko dira.

– Sortzeko hesi biziak gutxienezko lau metrotako zabalera izan beharko dute, landaketa gutxienezko dentsitatea 900 landare/hako 1-2 sapetakoarekin, eta gutxienez % 10 eta 15en bitartekoa inguruko bertako zuhaitz espeziak izan beharko dira.

II. ERANSKINA

ESKABIDE INPRIMAKIA (pertsona juridiko publikoak)

Honako honen arabera diru-laguntza: Agindua, Ingurumen, Lurralde Plangintza, Nekazaritza eta Arrantza sailburuak 2012ko maiatzaren 23an emana; agindu horren bidez, EAE.an, lur-zaintzailtzailtza akordioetan diren ondare naturala kontserbatzeko ekintzetarako diru-laguntzen deialdia egiten da, 2012. urterako.

Erakundearen izena:

Ordezariaren izen-abizenak eta NAN:

Identifikazio fiskala:

Helbidea:

Herria: Posta kodea: Lurralde historikoa:

Telefonoa: Faxe: E-maila:

Eskatutako diru-laguntza:

Erantsi heharreko dokumentutak:

☐ Erakunde eskatzailearen ordezariari dagokion NAN-a.

☐ Lur-zaintzailtza akordioaren eta diru-laguntza izateko eskatzen diren ekintza eta jarduerak egiteko onarpen akordioa, eta baita pertsona juridiko publikoak jartzen duen dirua ere.

☐ Memoria deskribatzailea. Bertan, ondo zehaztuta honako hau jaso beharko da: zaintzailtza akordioaren edukia (honen kopia erantsiko da), akordioaren iraupena, helburuak, jarduerak egingo diren tokiaren mugaketa eta planoak, epeak, ekintzen hedapen eta garapena, jardueraren aurrekontu osoa (partidaka xehatuta, VI. eranskinaren arabera) eta jardura betearazteko egutegia.

☐ Beharrezkoa denean, udaleko hirigintza lizentzia egokia eta, behar izanez gero, sektorekako Administrazio eskudunaren manuzko baimen edo lizentzia.

☐ Beharrezkoa denean, Ogasun eta Gizarte Segurantzaren betebeharrak bete diren egiaztariak.

☐ Herri erakundearen Idazkariak emandako zertifikazioa. Bertan jasoko da beste pertsona edo erakunde batzuek helburu horretarako emandako beste diru-laguntza batzuen zenbatekoen adierazpena (halako diru-laguntzarik egonez gero, V. eranskinaren arabera).

Eskatzaileak aditzera emango du eskabide honekin batera datorren dokumentazioaren barruko datu guztiak egiazkoak direla, diru-laguntzak bete gabeko gastuari aurre egiteko finantza-gaitasun nahikoa duela eta bete egiten dituela deialdian ezarritako baldintza guztiak.

Halaber, diru-laguntza edo laguntza publikoak lortzeko aukera kenduta zigortuta edo zehatuta ez dagoela ere adieraziko du, eta horretarako gaitasuna kentzen duen legeko debekuren batean sartuta ez dagoela ere bai.

Hortaz, aipaturiko aginduan ezarritakoaren arabera, finketan eskabidearekin batera datorren dokumentazioan adierazitako aurrekontuen arabera jarduerak egiteko laguntza jasotzeko eskabidea egiten du.

.....n, 2012koren.....an.

Sinatuta:

Eskatzailearen edo horren ordezariaren sinadura

III. ERANSKINA

ESKABIDE INPRIMAKIA (pertsona juridiko pribatuak)

Honako honen arabera diru-laguntza: Agindua, Ingurumen, Lurralde Plangintza, Nekazaritza eta Arrantza sailburuak 2012ko maiatzaren 23an emana; agindu horren bidez, EAE.an, lur-zaintzailtzailtza akordioetan diren ondare naturala kontserbatzeko ekintzetarako diru-laguntzen deialdia egiten da, 2012. urterako.

Erakundearen izena:

Ordez kariaren Izen-abizenak eta NAN:

Identifikazio fiskala:

Helbidea:

Herria: Posta kodea: Lurralde historikoa:

Telefona: Faxe: E-maila:

Eskatutako diru-laguntza:

Erantsi heharreko dokumentutak:

☐ Eskatzailearen NAN eta dagokion ordez kapen ahalordearen kopia, identifikazio fiskalaren kopia, baita erakundearen estatutoen eta haien aldaketaren kopia ere. Irabazi-asmorik gabeko erakundea dela egiaztatzeke euren xedearen definizioa edota beraien xedea egiaztatzen duen beste edozein agiriaren kopia.

☐ Memoria deskribatzailea. Bertan, ondo zehaztuta honako hau jaso beharko da: lur-zaintzailtza akordioaren edukia (honen kopia erantsiko da), akordioaren iraupena, helburuak, jarduerak egingo diren tokiaren mugaketa eta planoak, epeak, ekintzaren hedapen eta garapena jardueraren aurrekontu osoa, (partidaka xehatuta, VI. eranskinaren arabera) eta jarduera betearazteke egutegia.

☐ Beharrezkoa denean, udaleko hirigintza lizentzia egokia eta, behar izanez gero, sektorekako Administrazio eskudunaren manuzko baimen edo lizentzia.

☐ Beste pertsona edo erakunde batzuek helburu horretarako emandako beste diru-laguntza batzuen zenbatekoen adierazpena (halako diru-laguntzarik egonez gero, V. eranskinaren arabera).

☐ Ogasun eta Gizarte Segurantzaren betebeharrak bete diren egiaztariak.

Eskatzaileak aditzera emango du eskabide honekin batera datorren dokumentazioaren barruko datu guztiak egiazkoak direla, diru-laguntzak bete gabeko gastuari aurre egiteke finantza-gaitasun nahikoa duela eta bete egiten dituela deialdian ezarritako baldintza guztiak.

Halaber, diru-laguntza edo laguntza publikoak lortzeko aukera kenduta zigortuta edo zehatuta ez dagoela ere adieraziko du, eta horretarako gaitasuna kentzen duen legezko debekuren batean sartuta ez dagoela ere bai.

Hortaz, aipaturiko aginduan ezarritakoaren arabera, finketan eskabidearekin batera datorren dokumentazioan adierazitako aurrekontuen arabera jarduerak egiteke laguntza jasotzeko eskabidea egiten du.

..... n, 2012koren.....an

Sinatuta:

Eskatzailearen edo horren ordez kariaren sinadura

IV. ERANSKINA

DATUEN ALTA / DAGOKION HIRUGARRENA**A****HIRUGARRENAREN EZAGUPENERAKO DATUAK**

(1) NAN/IFK

(2) Izena eta bi abizenak / Sozietatearen izena

.....

.....

Helbidea

Posta kodea Herria

Lurraldea Herrialdea

B**BANKUAREN DATUAK**(1) Bankua

--	--	--	--

(2) Agentzia

--	--	--	--

(3) K D

--	--

 K/Korronea

--	--	--	--	--	--	--	--	--	--

(4) Jabea

OHARRA: Kontu korrontearen jabeak doakion hirugarrena bera behar du izan.

C

Bankoaren adostasuna

Sinadura eta zigilua

DDoakion hirugarrenaren
adostasuna

Sinadura eta zigilua

ESail eso Erakundearen
onespena

Sinadura eta zigilua

Data / / /

Datu pertsonalak babesteko 15/1999 Lege Organikoan ezarritakoa betez, Ekonomia eta Ogasun Sailak jakinarazten dizu, dokumentu honen bitartez jarri dituzun zure datu pertsonalak fitxategi automatizatu baten sartuko ditugula, ondoren, erabili ahal izateko.

Aipatutako Lege horretan jasotzen den moduan, datuok ikusi, zuzendu edo ezabatu nahi dituzula edo ez dituzula jarri nahi adierazteko, honako helbide honetara jo dezakezu: Ekonomia eta Ogasun Saileko Zerbitzu Zuzendaritza, Donostia kalea, 1 – 01010 Vitoria-Gasteiz.

INPRIMAKIAK BETETZEKO JARRAIBIDEAK

A) Pertsona fisiko edo juridikoa identifikatzeko datuak, ondoren adierazten denaren arabera.

1.– Pertsona fisikoak: nortasun agiri nazionalaren zenbakia, identifikazio fiskaleko zenbakia edo, atzeritarren kasuan, pasaporte zenbakia.

Pertsona juridikoak: identifikazio fiskaleko kodea.

2.– Pertsona fisikoak: izena eta bi abizen.

Pertsona juridikoak: izena edo izen soziala.

B) Banku-datuak.

1.– Bankuaren kode eta izena.

2.– Agentziaren kode eta izena.

3.– Titularrak bankuan duen kontuaren kontrol digitua eta zenbakia adieraziko da.

4.– Izena eta bi abizenak, pertsona fisikoen kasuan, eta izena edo izen soziala, pertsona juridikoen kasuan.

Kontu korrontearen jabeak doakion hirugarrena bera behar du izan.

C) Bankuaren sinadura eta zigilua, bankuaren datuak ziurtatzeko.

Banku-erakundearen sinadura eta zigiluaren ordeztu, hirugarren interesduna banku-kontuaren titularrak dela dioten bankuaren agiriak erabili ahal izango da.

D) Doakion hirugarrenaren sinadura eta zigilua, agiriak azaltzen diren datuak zuzenak direla ziurtatzeko.

E) Euskal Autonomia Erkidegoko Administrazioak betetzeko.

DOKUMENTAZIO EUSKARRIA

Nortasun agiri nazionalaren, edo atzeritarren kasuan pasaportearen, edo identifikazio fiskaleko txartelaren fotokopia erantsiko da.

V. ERANSKINA

PROIEKTU HONETARAKO ESKATU EDO JASO DAITEZKEEN DIRU LAGUNTZEI BURUZKO
ZIURTAPENA

..... jaunak/andreak

..... erakundearen legezko ordezkariak

.....

..... proiekturako

ZIURTATZEN DU (adierazi ☐ntate☐e dagokiona):☐ Erakunde honek EZ duela eskatu edo jaso inolako diru-laguntzarik proiektu honetarako.☐ Erakunde horrek EZ duela aurreikusi diru-sarrerarik lortzerik proiektua egitetik, ☐ntate sarrerak, aleak edo bestelakoak saltzetik, nahiz publizitatetik, matrikulazio-kuotetatik edota bestelako kontzeptuetatik ere.☐ Erakunde honek diru-laguntzak eskatu edo jaso dituela proiektu honetarako.

Erakunde publikoa	Eskatutako zenbatekoa	Jasotako zenbatekoa

☐ Erakunde honek proiektu hau egiteagatik honako diru-sarrera hauek lortzea aurreikusi duela:

Kontzeptua	Utate-prezioa	Unitate-kopurua	Guztira

Eta, dagozkion ondorioetarako hala jasota gera dadin, aitorpen hau sinatu dut
(e)n, 2012ekoaren.....e(a)n.

Legezko ordezkariaren sinadura

VI. ERANSKINA

DATU EKONOMIKOAK

A) Behin betiko diru-sarrerak:

Jatorria	Zenbatekoa
Guztira	

B) Behin betiko gastuak:

	Kontzeptua	Zerga-oinarri	BEZa	Guztira
Beste gastu batzuk				
	Beste gastuak guztira			
Pertsonal gastuak				
	Pertsonal gastuak guztira			
Inbertsioak				
	Inbertsio gastuak guztira			
Gastu orokorra				
	Gastu orokorrak guztira			
Guztira				